



ANGELES UNIVERSITY FOUNDATION  
COLLEGE OF EDUCATION



CENTER OF EXCELLENCE IN TEACHER EDUCATION

Masusing Banghay Aralin sa Araling Panlipunan 9

I. Pamantayan sa Pagkatuto at Layunin

Pamantayan sa Pagkatuto at Codes:

A. Natatalakay ang konsepto, dahilan, epekto at pagtugon sa implasyon

Layunin:

Sa pagtatapos ng aralin, ang mga mag aaral ay inaasahan na:

- A. Naipapaliwanag ang mga pangunahing sanhi ng implasyon.
- B. Naiisa-isa ang mga epekto ng implasyon sa iba't ibang sektor ng lipunan.
- C. Nakapagbibigay ng sariling pananaw tungkol sa epekto ng implasyon sa pang-araw-araw na buhay.
- D. Nakabubuo ng mga mungkahing solusyon o hakbang para makatulong sa pagharap sa implasyon.

II. Paksang Aralin

**Paksa:** Konsepto, Dahilan at Epekto ng Implasyon

**Sanggunian:**

- ARALING PANLIPUNAN MELC WITH CODE
- ARALING PANLIPUNAN Sariling Linanging Ikatlong Markahan (pahina 20-22)

**Tema/Pagpapahalaga:**

Mahalaga ang malalim na pagkaunawa sa mga sanhi at epekto ng implasyon bilang bahagi ng pagiging mulat sa mga pangyayari sa ekonomiya na nakakaapekto sa buhay ng bawat isa.

III. Pamamaraan

Gawain ng Guro	Gawain ng Mag-aaral
<p><b>A. Panimulang Gawain</b></p> <p><b>1. Panalangin</b> Bago ang lahat, tumayo ang lahat at tayo ay manalangin.</p> <p>Sino ang mangunguna sa pagdarasal?</p> <p><b>2. Pagbati</b> Magandang Umaga!</p> <p><b>3. Balitaan</b> Maaari mo nang iulat ang iyong balita.</p> <p>Maraming Salamat.</p> <p><b>4. Pagtatala ng mga lumiban</b></p>	<p>Mag-aaral A: Ako po <i>(sariling dasal)</i></p> <p>Mga mag-aaral: Magandang Umaga po, Bb. Pangilinan!</p> <p><i>(magbabalita)</i></p>

<p>Sino ang lumiban sa araw na ito tagapagtala?</p> <p>Salamat.</p> <p><b>5. Pangkalahatang Panuto</b> Sa loob ng sampung segundo ay isaayos ang inyong mga upuan at pulutin ang kalat Maaari na kayong umupo.</p> <p><b>B. Pagtatalakay ng Aralin (Lesson Proper)</b></p> <p><b>1. Pagganyak at Pagbabalik aral</b> Para sa panimula, ating balikan ang naging talakayan kahapon.</p> <p>Maaari ba kayong magbanggit ng mga konseptong iyong natutunan?</p> <p>Magaling.</p> <p>Ngayon ipagpapatuloy na natin ang ating talakayan tungkol sa implasyon.</p> <p><b>2. Talakayan</b></p> <p>Napapansin niyo ba kung bakit tumataas ang presyo ng mga bilingin sa palengke? Ano ang iniisip ninyo kung bakit?</p> <p>Magandang obserbasyon! Maaari rin bang ibang dahilan ang maging sanhi? Ano pa?</p> <p>Tama! Ngayon, pag-usapan natin ang tatlong pangunahing dahilan ng implasyon. Unahin natin ang tinatawag na demand-pull inflation. Ano sa tingin ninyo ito?</p> <p>Eksakto! Kapag mas mataas ang demand kaysa sa supply, tumataas ang presyo ng mga produkto. Kaya nga tawagin itong demand-pull inflation.</p> <p>Sunod naman ay ang cost-push inflation. Ano kaya ang ibig sabihin nito?</p> <p>Tama ka! Halimbawa, kapag tumaas ang presyo ng langis, tumataas din ang gastos ng mga transportasyon at paggawa ng produkto kaya tumataas ang presyo ng mga bilingin.</p>	<p>Tagapagtala: Wala po.</p> <p><i>(magpupulot ng mga kalat)</i></p> <p>.Mag-aaral 1: Ang implasyon ay ang pagtaas ng pangkalahatang presyo ng mga bilingin sa ekonomiya</p> <p>Mag-aaral A: Siguro po dahil maraming bumibili kaysa sa dati.</p> <p>Mag-aaral B: Baka naman po kulang ang supply o may problema sa paggawa ng produkto?</p> <p>Mag-aaral C: Parang kapag sobra po ang gustong bumili ng produkto kaya tumataas ang presyo.</p> <p>Mag-aaral D: Kaya po pala kapag dami ang tao na bumibili ng bigas, tumataas ang presyo nito.</p> <p>Mag-aaral E: Siguro po yung pagtaas ng gastos sa paggawa, gaya ng kuryente o langis, kaya tumataas ang presyo.</p> <p>Mag-aaral F: Nakakaapekto po pala ito sa mga presyo ng pagkain at iba pang gamit namin.</p>
---	--

<p>Pangatlo, ang structural inflation. Ano naman ang masasabi ninyo dito?</p> <p>Maganda! Structural inflation ay nangyayari kapag may problema sa sistema ng supply at distribusyon ng mga produkto na nagdudulot ng kakulangan at pagtaas ng presyo.</p> <p>Ano ang mga epekto ng implasyon sa presyo ng mga bilihin at sa halaga ng pera?</p> <p>Tama! Dahil dito, bumababa ang halaga ng pera o purchasing power natin.</p> <p>Kapag mataas ang implasyon, tumataas ang gastos sa paggawa at produksyon kaya minsan bumababa ang kita ng negosyo o tumataas ang presyo ng kanilang produkto.</p> <p>Paano naman nakakaapekto ang implasyon sa kabuhayan ng mga mamamayan?</p> <p>Magandang obserbasyon. Kaya mahalagang malaman natin ang dahilan at epekto ng implasyon para makahanap tayo ng mga solusyon.</p> <p>May mga paraan tulad ng pagpapabuti sa produksyon, pagpapatatag ng supply chain, at regulasyon ng presyo upang mapigilan ang sobrang pagtaas.</p> <p><b>3. Paglalapat</b></p> <p>Ngayon, hahatiin ko kayo sa mga grupo. Bawat grupo ay pag-aaralan ang isa sa mga dahilan o epekto ng implasyon at gagawa ng maikling presentasyon tungkol dito.</p> <p>Halimbawa, ang isang grupo ay tatalakay sa demand-pull inflation, ang isa naman sa cost-push inflation, at ang isa sa structural inflation.</p> <p>Pwede rin ang mga grupo na mag-focus sa mga epekto ng implasyon sa presyo, kita ng mga tao, o negosyo.</p> <p>Gumamit kayo ng mga halimbawa mula sa tunay na buhay upang</p>	<p>Mag-aaral G: Parang kapag may problema po sa daloy ng supply, halimbawa, nasira ang mga daan kaya nahirapan magdala ng produkto.</p> <p>Mag-aaral H: Kaya pala tumataas ang presyo kahit hindi tumaas ang demand minsan.</p> <p>Mag-aaral I: Tumataas po ang presyo ng bilihin pero hindi tumataas ang sweldo namin kaya nahihirapan kami.</p> <p>Mag-aaral J: Ano naman po ang epekto nito sa mga Negosyo, Ma'am?</p> <p>Mag-aaral K: Kaya po pala may mga negosyo na nagsasara kapag mataas ang implasyon.</p> <p>Mag-aaral L: Nagiging mahirap po bumili ng mga pang-araw-araw na pangangailangan, lalo na sa mga mahihirap.</p> <p>Mag-aaral M: Ano po ang mga pwedeng gawin para mapababa ang implasyon?</p> <p>Mag-aaral N: Pwede rin po siguro magbantay ang gobyerno sa mga presyo at gumawa ng mga programa para makatulong sa mga mamamayan.</p>
--	---

<p>mas maging malinaw ang inyong presentasyon.</p> <p>Sino ang gustong mag-umpisa sa presentasyon?</p> <p>Ano ang napag-usapan ninyo sa grupo?</p> <p>Mahusay! Susunod naman?</p> <p>Magaling! At ang iba pang grupo?</p> <p>Napakaganda! Ano pa ang mga natutunan ninyo?</p> <p><b>C. Paglalahat</b></p> <p>Sa kabuuan, ano ang kahalagahan ng pag-unawa sa mga dahilan at epekto ng implasyon?</p> <p>Paano makakatulong ang kaalaman na ito sa ating pang-araw-araw na buhay?</p> <p>Tama! Kaya bilang mga responsableng mamamayan, dapat tayong maging mulat sa galaw ng ekonomiya upang makagawa ng mabuting desisyon.</p> <p>Paalam!</p>	<p>Mga Mag-aaral: Opo, Ma'am!</p> <p><i>(sampung minuto)</i></p> <p>Mag-aaral O: Ako po, Ma'am.</p> <p>Mag-aaral O: Tinalakay namin ang demand-pull inflation kung saan tumataas ang presyo dahil mas mataas ang demand kaysa supply. Halimbawa nito ay ang pagdagsa ng mga tao sa pagbili ng bigas kaya tumaas ang presyo.</p> <p>Mag-aaral P: Kami po ay tinalakay ang cost-push inflation. Ito ay kapag tumataas ang gastos sa paggawa gaya ng pagtaas ng presyo ng langis kaya tumataas din ang presyo ng mga produkto.</p> <p>Mag-aaral Q: Pinag-aralan namin ang epekto ng implasyon sa kita ng mga tao. Mahirap po silang bumili ng mga pangangailangan dahil bumababa ang halaga ng sweldo nila.</p> <p>Mag-aaral R: Na ang implasyon ay may iba't ibang dahilan at malawak ang epekto nito sa ekonomiya at mamamayan.</p> <p>Mag-aaral S: Mahalaga ito para maintindihan natin kung bakit tumataas ang presyo at kung paano tayo makakatulong na mapigilan ito.</p> <p>Mag-aaral T: Para maging handa tayo at makatipid, pati na rin sa pag-intindi ng mga balita tungkol sa ekonomiya.</p> <p>Mag-aaral U: Opo, Ma'am!</p> <p>Mga mag-aaral: Paalam, Ma'am.</p>
--	---

IV. Pagtataya (activity)

**GAWAIN:** Sulyap sa Implasyon

**Panuto:** Basahin nang mabuti ang bawat tanong sa ibaba. Sagutin ito nang malinaw at kumpleto gamit ang sariling salita. Ipakita ang iyong pag-unawa sa mga dahilan at epekto ng implasyon sa ekonomiya at pang-araw-araw na buhay.

- Ano ang ibig sabihin ng demand-pull inflation? Magbigay ng halimbawa.
- Ipaliwanag kung paano nakakaapekto ang cost-push inflation sa presyo ng mga bilingin.
- Ano ang structural inflation at ano ang mga posibleng sanhi nito?

- Paano naaapektuhan ng implasyon ang halaga ng pera at ang kakayahan ng mga tao na bumili ng mga produkto?
- Magbigay ng dalawang halimbawa ng epekto ng implasyon sa negosyo at sa mga mamimili.
- Ano ang mga maaaring gawin ng gobyerno upang mapigilan o mapagaan ang epekto ng implasyon?

## V. Takdang Aralin (assignment)

**Panuto:** Magbasa ng susunod na module tungkol sa Patakarang Piskal. Pag-aralan ito nang mabuti upang maging handa kayo sa susunod nating talakayan tungkol sa mga pamamaraan ng gobyerno sa pag-aayos ng ekonomiya.

**Inihanda ni:**

Bb. Ashley D. Pangilinan, BSEd Social Studies  
**Student-Teacher**

**Pinagtibay Ni:**

Gng. Nina Catherine A. Pamintuan

## VI. REFLECTIONS

<p>I appreciated how my CT pointed out the importance of clear instructions for each activity. This will prevent confusion and allow students to participate actively. Next time, I will create a more positive learning atmosphere to encourage sharing.</p>
---

**Noted by:**

Dr. Christiandon G. Aviado  
**Internship Supervisor**